

Hau nia respeitu ba Exélsia DR. José Ramos-Horta; Representante husi Ministériu Turizmu, Komersiu no Industria no Governu Timor-Leste; Dili Institute of Technology; Hau nia kolega sira husi USAID, distintu orador no konvidadu sira, Lorokraik diak.

Hau haksolok hamutuk ho imi ohin iha Konferensia Internasional daruak konaba Destinasaun Turizmu Emerjente. Hau hakarak agradese USAID nia projetu Turizmu ba Ema Hotu, Ministériu Turizmu, Komersiu no Industria no Dili Institute of Technology ne'ebé servisu hamutuk ba realiza eventu ne'e.

Ida ne'e mak esforsu foun USAID nia projetu Turizmu ba Ema Hotu atu apoia Timor-Leste hetan nia objetivu sira setor turizmu nian. Estados Unidos komprometidu atu apoia kresimentu turizmu ne'ebé inklusivu no sustentavel inklui atu realiza objetivu governu Timor-Leste nian hanesan:

- Hasae número turista ba rihun atus rua anualmente iha tinan rihun rua tolunulu
- Hasae número empregu iha turizmu ho vaga rihun sanulu resin lima; no
- Hetan reseita annual Dolar Amerikanu millaun atus ida limanulu

Timor-Leste iha ona rekursu sira atu dezenvolve setor turizmu. Husi tasi ho biodiversidade bo'ot liu iha mundu, foho Ramelau ne'ebé furak no panorama ne'ebé matak – Nasaun ida ne'e riku ho nia natureza ne'ebé bonita tebes.

Tuir Hau, rekursu bo'ot liu nasaun ne'e nian mak nia ema ne'ebe laran diak no simu ema hotu- ema sira ne'e barak mak hau hasoru ona iha hau nia viajen haleu nasaun ne'e.

Timor-Leste mo'os iha ninia istória furak no riku ho nia sítiu kultural no tradisaun oi-oin ne'ebé hau fiar katak – Ho kuidadu ka atensaun diak husi governu, membru comunidade no setor privadu – sei atrai turista barak.

Nudar parte ida husi eransa kultural, Timor-Leste iha atributu barak ne'ebé bele ajuda dezenvolve turizmu-relijiozu hanesan meiu ida ba diversifikasaun ekonomia.

Eventu ida ne'e marka dahuluk nian ba Timor-Leste ne'ebé sai uma nain ba konferensia internasional dezenvolvimentu turizmu religiozu. Iha semana hirak liu ba, nasaun ne'e mo'os sai uma nain ba Seminariu Forum Rejional ASEAN no Pacific Partnership, ezersísiu bo'ot liu iha mundu ba apoiu umanitariu no preparasaun ba

dezastre. Ho ema barak liu tan ne'ebe atu mai partisipa iha selebrasaun aniversariu Konsulta Popular ba dala rua nulu, mundu fo'o atensaun makas liu tan ba Timor-Leste no nia potencialidade sira.

Konferensia ida ne'e, oferese ba Timor oan sira oportunidade seluk ida atu apriende esperiensia husi nasaun seluk iha mundu. Matenek no abilidade téknika ne'ebé fahe iha ne'e importante ba Timor-Leste atu deseña, implementa no jere diak liu tan dezvoltimentu turizmu relijiozu.

Elementu xave ida husi Estados Unidos nia estratejjia ba rejiaun Indo-Pasífiku mak apoia ekonomia ida ne'ebé ho baze iha merkadu no enkoraja dezvoltimentu sustentavel. Ho dezvoltimentu tipu turizmu ida ne'e sei ajuda jornada Timor-Leste nian ba autosufisiensia no sei bele resolve mesak nia desafio dezvoltimentu.

Alein USAID nia projetu Turizmu ba Ema Hotu, Estados Unidos mo'os apoia Timor-Leste nia dezvoltimentu liu husi dalan seluk. Maske ida ne'e laos parte ida husi Forum Illa Pasífiku, maibe Timor-Leste parte ida husi programa Interkámbiu Profesional Turizmu Illa Pasífiku.

Lansa iha tinan rihun rua sanulu resin hitu husi Ministeriu Negosiu Esntranjeiru Estados Unidos no East-West Center iha Hawaii, programa ida ne'e fo'o apoia ba dezvoltimentu ekonómiku liu husi hadiak kapasidade professional turizmu Timor oan sira ne'ebé servisu iha setor públiku, privadu no organizaun sosiedade sivil.

No durante seidauk sai membru plenu ASEAN nian, Timor-Leste sai ona parte ida husi Young Southeast Asian Leaders Initiative (YSEALI) – Programa importante Governu Estados Unidos nian ba lider joven sira iha rejiaun ne'e. Joven Timoroan besik rihun ida partisipa ona iha programa ne'e no hanesan mo'os joven nasaun viziñu sira, ne'ebé hatudu interese forte ba dezvoltimentu turizmu.

Realidade mak, Membru YSEALI Timor oan nain rua halo viajen ba Laos iha fulan Marsu tinan rihun rua sanulu resin sia hodi partisipa iha seminariu regional konaba sustentabilidade eko-turizmu. Hafoin fila husi seminariu ne'e, sira fahe sira nia matenek no esperiensia ba Timoroan rihun resin iha Timor-Leste liu husi kampaña media sosial durante fulan rua hodi promove prátika empresarial ne'ebé ho responsabilidade sosial.

Esforsu sira ne'e hotu no konferensia ohin hatudu katak Estadus Unidus ho Timor-Leste haree dezenvolvimentu turizmu hanesan prioridade ba kresimentu ekonómiku. Hodi naran Estadus Unidus nian, Hau kongratula imi hotu ne'ebé organiza ona eventua importante ida ne'e. Hau espera atu rona liu tan konaba lisaun ruma ne'ebé mak imi hetan husi eventua ne'e. Obrigadu barak.